

Guangjisi Minzcu Bau

ganhhau: CN45-0036 B.2017 Nd.6 Ng.7 liggaueq dingyoux nienz ndwenngux cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3277期

Heiqcuengh "Moedlaenz" Cingsih Senhconz Vut Gungz Gunggeng Cingzyauq Yienhda

靖西“末伦”壮戏宣传脱贫攻坚效果显著

Mboengqneix, heiq "moedlaenz" yienghnduj Bouxcuengh 《Suhgi Daeuj Daengz Mbanjrung Gou》 ndaej Cingsih gaiq daeuz Bouxcuengh "moedlaenz" vwnzyi comzyienj it daengjciengj, neix dwg gij cozbini saeqsim guhbaenz he, dwg Cingsih Si youq bineix sam nyied sam bangfuz Heiqcuengh 《Gij Gyaez Daxmeh》 youq Guengjsae Yinzminz Gvangjbo Dendaiz boq ok ndaej ndei doeklaeng cauhguh haenx.

Caeuq Heiqcuengh gaxgonq yungh vaiqbanj, boq, rag, danz, doiq ciengq daengj biujyienj hingzik mbouj doengz, aen heiq neix cujyau doenggvaq

"moedlaenz" yienghnduj Bouxcuengh cienzciengq fuengsik, lwnhgangj gij gojgaeq "suhgi daih'it" youq mbanj daengz mbanj gungzhoj roengzsim guh hong bangfuz, hawj yiengh mbanjbya, saedcej beksingq fatseng bienqvaq hungloet, ndaej daengz vunzlai ndiep-gyaez. Gij diuh "moedlaenz" sugrox haenx, unqswnh haprwenz. Aen heiq neix baez hwnj daiz biujyienj, couh hawj bouxyawj yienhcieingz saenq-daenh liux, ndaej daengz gyoengq vunzlai angqcoux caeuq haenx.

Ciuq cam rox, riengzdwk hong vut gungz gunggeng haeujlaeg doicaenh, Cingsih Siveij, Si Cwngfuj

giethab conzdungj minzcu vwnzva dangdieg, cujiz buek canghheiq ak he cauhguh baenzdaug cozbini "heiqdoj" maenhndei, gyalai senhconz ligdoh, senhconz vut gungz gunggeng cwnqcz, saehlaeh okhingz daengj, ndaej daengz vunzlai haengj-gyaez, hawj hong vut gungz gunggeng caeuq cwnqcz haeujlaeg simvunz, gyalai hawj vunzlai rox, caenh'itbous gikfat gij doenghlig gyoengq ranzgungzhoj buekguh doxhwnj, cawj-doengh vut gungz, cauxbaenz gij heiqfaenh naekna roengzrengz buet siujgangh.

(Hij Cwngyungj Luz Gyangz)

SIUSIK DINJ

简讯

● 6 nyied 2 hauh, Ginh-couh Si Ginhnanz Gih Minz-cuzgiz lienzhah Ginhcouh Si Bwzbuwanh Vwnningzduj Youjhan Gunghsw h daengz Vangz-vuhdunz Cin Ginhcuu Cunhveij aen gih neix, fat cehfaen haeuxnaz ndei II1916 136 gaen, niusu 1650 gaen, gyazfeiz 510 gaen, linzfeiz 1000 gaen, fuhoz-feiz 400 gaen, gyaqciengz dij 7455 maenz hawj 9 ranz ranzgungzhoj, bangcoh ranzgungzhoj gibseiz doekceh miuzlaeng.

(Liengz Lizgyangz)

● Guekgya lajmbanj yivu gyauyuz hagseng yingzyangj gaj-ndei dajveh hengzguh daeuj, Lozcwnz Mulaujcu Swciyen mboujduenh gyalai caizcwn bue roengz ligdoh, gyaak hwnjguh "donq haeux yingzyangj" biucinvaq, caemhcaiq yiemzgek doeksaed "haj aen gunghsi", hawj engq lai lwgnyez lajmbanj ndaej gwn "donq haeux yingzyangj" veiswng mbouj aeu cienz.

(Mungz Cwnghsw)

● 6 nyied 1 hauh, gyoengq guenbing Ningzmingz Yen Bien-fuengz Dadui Bwzsanh Bien-fuengz Baicuzsoj bae daengz Caianh Yang Banlieng Siujyoz dieg youq henzguk haenx, yienq gyoengq lauxsae hagseng gangj 《Fap Cawqfad Ciah Guenleix》 《Fap Baujhoh Lwngyez》 《Fap Yawhfuengz Lwngyez Famhcoih》 daengj fap-lwd fapgi, sonyinx caeuq son-gyauq hagseng gij fuengfap caeuq banhfap gaemdawz yawhfuengz famhfap famhcoih, soengq aen "daeh laex hung fazci" ciet lwgnyez "roek it" he bae hawj gyoengqde.

(Cauh Yizgangh Vuz Cungzdingh)

● 6 nyied 1 hauh, Hocouh Si Veiswng Giswngheij lienzhah Giswng Hezvei bae daengz Gveisih Siujyoz caeuq Caujsw Siujyoz Gveilingi Cin Bazbu Gih aen si neix haiguh "roek it" gvansim hozdung. Ngoenzhaenx, giensoengq daehsaw, bonj-bitgeiq, bitmaeg caeuq gveihlingzgauh daengj "daeh laex hung ngoenzcieng" hawj 290 bous hagseng song aen hagdangz neix, soengq camnai caeuq hohfuk bae hawj hagseng gungzhoj runghbya.

(Liz Cujdez)

Ginhxiu Haiguh Heiq Haeuj Hagdangz Hozdung



金秀启动戏曲 进校园活动

Bi 2017 doxdaeuj, Ginhxiu Yauzcuz Swciyen haiguh heiq haeuj hagdangz hozdung, doenggvaq cungh siujhagseng comzyienj heiq, heiq haeuj goqdangz daengj hingzik, son'gyauq gij cih-siz heiq hawj hagseng, hawj hagseng engq ndei roxyiuj, hagsib, swncienz heiq conzdungj vwnzva, daez-sang vwnzva suyangj caeuq vwnzva gagsaeng. Ndw doz dwg lauxsae cingq hwnjdangz dangzgoq heiq.

(Vangz Siufung/黄秀凤)

Ndaw Gyangsiszsoj Lajmbanj Fwen Haprwenz

农村讲习所里山歌嘹亮

"Siz cungjsuhgi daeuj Guengjsae, haeujbae gihcwnz cam cingz-gvang; gwnzlae caezsim caez okrengz, ceng'aeu singz mbanj cungj vut gungz".....6 nyied 1 hauh, gij fwen gig miz yaem'wenq Bouxcuengh haenx, haprwenz youq ndaw gyangsiszsoj Gujliu Cunh Lungzsangh Cin Dwzbauj Yen. Sing fwen gyoengq canghfwen ndei dingq cingz naek yinx ndaej vunzmbanj mbanj henzgyawj daeuj dingq. Neix dwg aen sukingj aen yienh neix haiguh hagsib gvancez gij cingsaenz gangjavah youqgaenj Siz Ginbingz cungjsuhgi cazyawj Guengjsae, iugouz gak gaep dangjcujiz saeqsim anbaiz, doenggvaq lai cungj fuengsik, lai diuz roenloh, yungh gij hingzik vunzlai haengj dingq gyaez yawj haenx, dawz gij cingsaenz gangjavah youqgaenj cungjsuhgi cazyawj Guengjsae riengjvaiq cienz daengz gyoengq ganbu vunzlai

bae, hawj gij cingsaenz gangjavah youqgaenj cungjsuhgi haeujbae gihcwnz, haeujlaeg simvunz, ranzranz cungjrox. Gij hingzik senhconz fwen gag bien gag cau gag ciengq ndaej daengz vunzlai haengjgyaez. Aen yienh neix yaek laebdaeb youq daengx yienh 12 aen yanghein 16 aen gyangsiszsoj guh doigvangq, bae daengz mbanj, daengz gyang vunzlai cienzciengq, hawj gij cingsaenz gangjavah youqgaenj cungjsuhgi cazyawj Guengjsae haeujlaeg simvunz.

(Cinz Siuvaiz Moz Cinmingz)